



WWW.SOLODIPUEBLO.COM



SOLODIPUEBLO@GMAIL.COM

UNIDADNAN K9 A BAY SANTA LUCIA PA DETENE SOSPECHOSO BUSCA PA HUSTICIA



MINISTER ENDY CROES A RICIBI E CONSEHO FINAL DI E COMISION CU A TRATA E STRUCTURA DI SALARIO DI E DOCENTENAN



AUTO HORTA 9'OR DI MAINTA A SER HAYA MERDIA NA UN CAS CONOSI PA POLIS!



DAMA BUSKA A SER ENCONTRA DEN SANTANA CENTRAL NA SABANA BASORA



ACCIDENTE CU HENDE HERIDA NA E CRUSADA DI SHABA PA BAY BUBALI



MINISTER MADURO TABATA PRESENTE NA E EVENTO 'BAN TOPA' DI ARUBAHUIS PA DUNA UN DISCURSO DI MOTIVACION NA STUDIANTENAN

Keda semper cu Aruba den boso mente, curason y futuro



na e studiantenan Arubiano leu fo'i cas.

Pa Minister Maduro e tabata un placer pa por comparti un rato cu nos hobennan cu ta studiando na Hulanda y pa scucha nan preocupacion y nan sugerencianan. Minister Maduro a haci uzo di e ocasion pa asina brinda un discurso di motivacion den cual e mandatario a recorda tur hoben cu bida ta prepara bo semper y ta duna bo pruebanan cu ta forma bo character y ta yuda bo haya e habilidadnan necesario pa bo cumpli cu bo metanan. "Tur locual ta wordo haci di bon curason, ta logra. Den cada cos malo cu pasa, tin un les positivo, nos mester tin wowo pa mira esey. Kere den bo mes," tabata algun consejo cu Minister Maduro a comparti cu e hobennan presente. Na final e mandatario a pidi cada estudiante pa semper hiba Aruba den nan mente y curason, y pa un dia bin bek pa yuda den e desaroyo di nos Pais.

Minister Maduro ta gradici Arubahuis pa e oportunidad aki pa comparti y motiva nos hobennan. Ta hopi



Durante su biahe di trabou recientemente na Hulanda, Minister Maduro di Finansa y Cultura a topa cu un grupo di estudiante Arubiano den e 'Ban Topa' organisa pa Arubahuis na Haagse Hogeschool. Un encuentro cu a wordo lidera pa directora di Arubahuis sra. Joslin Croes cu a conta cu presencia di

Minister Plenipotenciario sr. Ady Thijsen, Ministernan Glenbert Croes y Xiomara Maduro, directornan di Utilities y RDA, y directora di DRH. E meta di e encuentro tabata pa scucha opinion y preocupacionnan di e hoben studiantenan pa asina Arubahuis por formula maneho pa por brinda e sosten necesario

**PUEBLO A HAÑA SU
PEN BEK**

Pa kualkier informacion
solodipueblo@gmail.com
of
585-9500



importante pa keda den contacto cu nos hoben studiantenan, pa brinda nan atencion, oido, guia y motivacion den e fase importante aki di nan bida, na unda nan ta prepara

nan mes pa nan futuro. Minister Maduro ta desea tur hoben estudiante hopi exito cu nan estudio y ta desea pa Aruba por keda forma parti semper di nan pensamiento y nan futuro.

MINISTER ENDY CROES A HIBA PALABRA NA APERTURA DI E SIMAN DI CURSO DI SINDICATO TOPA



ORANJESTAD: Dialuna mainta, a tuma luga apertura di e siman di curso pa e miembronan di sindicato Trahadornan Organisa di Sector Publico di Aruba (TOPA). E curso ta titula: ‘Ciclo di Formacion Sindical’.

E curso tin duracion di un siman y ta facilita pa

Sr. Juan Diego Gomez Vasquez, kende ta experto sindical y representante di PSI na Colombia.

Minister Endy Croes tabata presente y a hiba palabra, unda el a desea e participantenan hopi exito y cu nan siña hopi di e curso aki.

“Esindicalistanantaforma

un parti fuerte di nos comunidad y mi ta sigur cu e herment- y consehonan nobo lo ta un estimulo pa engrandece boso conocimiento ora di negocia y pa esaki por sosode den e miho forma posibel”,

Minister Endy Croes a expresa. Hopi Exito!



Minister di Cultura Xiomara Maduro:

GANADONAN DI COMPETENCIA ESCOLAR DI FOTOGRAFIA DIA DI HIMNO Y BANDERA 2024 A RICIBI NAN PREMIO

E aña aki Ministerio di Cultura conhuntamente cu Comision Celebracion Dianan Nacional a organisa varios competencia escolar enconexion cu Celebracion di Dia di Himno y Bandera 2024. Esaki a resulta un exito cu participacion di un cantidad di alumno di varios scol.

Recientemente Comision Celebracion Dianan Nacional a entrega premio na e ganadonan. Den e competencia di fotografia pa muchanan di scol basico, e ganado a resulta e hoben Hayzey Arends di klas 4b di Colegio Conrado Coronel. E potret ganado a wordo describi como lo siguiente:

“Mi Aruba stima, ki orguyoso mi ta di tin bo como mi hogar. Cu orguyo mi ta comparti mi cas cu hopi bishitante, cu kier bin admira bo beyesa sin igual. Nos beachnan precioso y nos hendenan caluroso ta haci cu Aruba ta keda e Isla mas gusta y bishita. Na mi Isla e subida y bahada di solo ta

algo fenomenal”.

E ganado den scol preparatorio a resulta e hoben Emmanuel Garcia di Scol Preparatorio Cayena. E potret ganado a wordo describi como lo siguiente:

“Mi ta sintimi orguyoso di e bunitesa di nos lama color blau scur bunita, cu ta rondona nos isla. Danki na e lama bunita aki nos tin hopi turista cu ta bin di afo pa disfruta di nos dushi isla. Mi Aruba stima mi ta orguyoso di bisa Arubiano mi ta”.

Ademas cu e muchanan ganado a ricibi nan premio, nan klas tambe ta ricibi un premio. Minister



Xiomara Maduro ta felicita e ganadonan y ta gradici un biaha mas tur scol y muchanan pa a participa den e competencianan. Masha danki na e docente y mayornan pa motiva

y brinda ayudo na nos muchanan, pa asina nan balora y aprecia mas Nos Dia Nacional, Dia di Himno y Bandera y asina sigui sinti nan mes orguyoso di ta Arubiano.

Clasificados

SOLODIPUEBLO@GMAIL.COM
CEL. 585 9500

MINISTER MADURO TABATA PRESENTE NA E PREMIER DI SIÑAMI STIMABO 2 - PORDON



Den un Cas di Cultura completamente yen, Minister Xiomara Maduro di Cultura tabata presente pa e premier di e pelicula Siñami Stimabo parti 2 Pordon.

Produci pa Marilyn Richardson, e pelicula aki ta conta e storia di diferente famianan cu ta pasa den dificultadnan den nan bida y con nan a haya

e caminda di sanacion atraves di pordon.

Minister Maduro ta duna un palabra di felicitacion na Marilyn Richardson y tambe henter e elenco di Siñami Stimabo parti 2 Pordon pa e tremendo pelicula aki y ta invita pueblo di Aruba pa bay sostene e pelicula aki cu desde 25 di april ta na cinema.



CHAUFFEUR DI PICK-UP NO A REGULA SU VELOCIDAD NI A MANTENE DISTANCIA Y A BAY DAL TRAS DI AUTO NA TANKI LEENDERT



Diamars merdia a dreña informe di un accidente cu hende herida dilanti Kiko Riko na Tanki Leendert,

mesora a dirigi tanto polis como ambulans na e sitio. Na yegada di e patruya a bin compronde cu aki ta trata di un accidente unda cu e chauffeur di pick-up no a regula su velocidad ni a mantene distancia a bay dal tras di e Toyota Tercel su dilanti.

Debi na e fuerte impacto e chauffeur di e pick-up a dreña den shock. Na yegada di e ambulans nan a atende e victima y su situacion a bira stabiel.



Minister Endy Croes:

DEN PLENO PREPARACION PA CARIBBEAN TAEKWONDO OPEN ARUBA 2024 CU LO TUMA LUGA DEN E LUNA DI JUNI PROXIMO

O R A N J E S T A D : Recientemente, Minister di Enseñansa y Deporte Endy Croes a reuni cu presidente di Stichting Tiger Taekwondo Academy Sr. Teofilo Rodriguez y Sra. Monica Pimentel, en conexon cu un campeonato internacional di taekwondo cu lo tuma luga na Aruba. Caribbean Taekwondo Open Aruba 2024 lo tuma luga dia 10 pa 15 di juni proximo y lo conta cu presencia di atleta di diferente pais entre otro, Colombia, Curaçao, Brazil, Puerto Rico, Ecuador, Spaña, Republica Dominicana y

Aruba. Ademas di trece varios atleta internacional, lo trece referee di diferente pais. Alabes lo proba e oportunidad aki pa brinda nos refereenan local un tayer pa nan sigui desaroya nan mes.

Minister Endy Croes ta gradici Stichting Sportsubsidie Aruba (SSA) y Fundacion Lotto pa Deporte (FLpD) cu a duna sosten pa realisa e campeonato aki. Alabes, Minister Endy Croes ta desea Sr. Teo hopi exito cu e gran campeonato internacional aki cu lo tuma luga den e luna di juni proximo.



DETENCION A CAY NA ABATOIR, CRIADOR DI BESTIA A HIBA UN CABRITO Y A RECONOSE 5 OTRO CABRITO HORTA DI DJE



Diamars mainta a drenta informe di cu criador di bestia a hiba un cabrito abatoir y a reconose 5 otro cabrito horta di dje, mesora a dirigi un patruya na e sitio. Na yegada di e patruya e criador di bestia a bisa y a musta polis e potret di 5 cabrito cu tabata di dje y cu a ser horta 3 dia

prome. Esun cu a trese e cabritonan tabata eyan tambe y e patruya a yama recherche. Na yegada di recherche a duna ordo pa detene esun cu a trese e cabritonan. Ela bisa di a compra e cabritonan pa 500 Florin for di un otro criador. Pero ela bisa un trahado di abatoir cu ela



trese e cabritonan como fabor pa un otro criado di bestia. Polis a detene y

hib'e warda di polis pa mas investigacion mientras lo percura p hiba e 5 cabriton

for di e cunucu na Vader Piet.

Durante su bishita na Conseho di Minister: **EXECUTIVE DIRECTOR DI IMF SR. PAUL HILBERS** **CU PALABRA DI ELOGIO PA E RECUPERACION** **FINANCIERO Y ECONOMICO DI ARUBA**

Diamars mainta Conseho di Minister a ricibi bishita di Executive Director di IMF sr. Paul Hilbers kende tabata tin palabra di elogio pa e manera impresionante cu Aruba a bin ta recupera di e pandemia di COVID-19.

Sr. Hilbers ta forma parti di e board di IMF y a indica cu Aruba ta goza di un bon reputacion cerca IMF. Aruba su economia ta bayendo bon, finansa publico ta wordo maneha basa riba surplus, e debe di Aruba ta bahando, tin estabilidad monetario y financiero, e sistema financiero ta integro y Aruba ta trahando caba pa por mitiga efectonan di cambio climatico. Ta puntonan hopi positivo cu ta wordo mira pa wowo di inversionistanan internacional y tambe




pa e turista cu ta scohe pa e estabilidad cu Aruba ta ofrece como destino turistico.

Esaki sigur ta bon noticia pa Aruba y ta e resultado di trabou duro y serio cu a wordo haci pa nos hendenan di Aruba. Minister

Maduro di Finansa kier gradici y felicita su ekipo financiero, colega Ministernan, Parlamento y Aruba henter pa e mensahe positivo aki cu ta

keda treci pa e Executive Director di IMF. Nos por ta orguyoso di local nos tur como comunidad ta logrando na bienestar di nos Pais.



HACI PAGO DI ABONEMENT ONLINE TA POSIBEL:

APRECIABLE CLIENTELA, SI BO TA DESEA DI
HACI E PAGO DI ABONEMENT ONLINE,
E TA POSIBEL:

ESAKI TA NOS CUENTA:

SUNMAX PRINTERS - STA. CRUZ 110

BANCO: RBC

NUMBER DI CUENTA: 7700000100152447

DI ANTEMANO,
MASHA DANKI.

SOLO DI PUEBLO



AUTO HORTA 9'OR DI MAINTA A SER HAYA MERDIA NA UN CAS CONOSI PA POLIS!



Diamars mainta a drenta informe cu alrededor di 9'or di mainta 3 hoben a horta un auto for di un garage di mecanico na Pos Chikito y pa alrededor di

merdia un familiar di e doño di auto a pasa wak e auto para dilanti un conosido cas na Shiribana y mesora a avisa polis. E prome patruya cu a yega



a topa algun hoben cu a bisa cu e auto ta di nan pero e doño di e auto mes tambe ta eyan ora cu e oficial di joyriding a yega eyan hunto cu e investigadornan tecnico y forensico e hobennan a somenta polis a confisca e vehiculo pa mas investigacion.

Clasificados

SOLODIPUEBLO@GMAIL.COM
CEL. 585 9500

SOLO Di Pueblo

Prome Minister Evelyn Wever-Croes:

PROME MINISTER A HACI UN RECORIDO RIBA E TERENO DI REFINERIA DI ARUBA



ORANJESTAD –
Diaranson mainta 15
di mei, Prome Minister
Evelyn Wever-Croes a
haci un recorrido riba e
tereno di RDA (Refineria
di Aruba) pa mira asina
diferente aspectonan di e
refineria y proyectonan cu
ta wordo planifica door di
DOW.

Un di e proyectonan ta
un carretera cu a wordo
proyecta ya un par di aña
pasa. E carretera lo pasa
a traves di e tereno di e
refineria y yega na e area
di Colony, Baby Beach

y Rodgers Beach y na
Secrets Hotel mas lihe.
Prome Minister diaranson
mainta a haci un ‘site visit’
pa asina haya splicacion
amplio di e Proyecto aki.

E mandatario a remarca
cu tawata un mainta
cu hopi informacion
interesante. Por a mira
tur e posibilidadnan y
lo sigui traha y studia e
proyecto aki y mira si tin
necesidad di un carretera
asina pa conecta e centro
di San Nicolas mas lihe
y mas efectivamente cu
e area turistico cu ta den

desaroyo aworaki.
“Mi por bisa cu ta
momentonan di
melancolia ora pasa door
di e refineria y wak con

esaki a decai. Pero tambe
esey ta muestra e historia di
nos pais y awor nos mester
concentra riba e futuro
di Aruba. Mi ta gradici

tur e profesionalnan pa
nan tempo y pa tur e
informacion cu nan a trece
padilanti awe mainta”,
Prome Minister a expresa.

CAMBIA PERSPECTIVA TOCANTE OBESIDAD: SA BO NUMBER Y MIDI BO PESO



MINISTER ENDY CROES A RICIBI E CONSEHO FINAL DI E COMISION CU A TRATA E STRUCTURA DI SALARIO DI E DOCENTENAN



ORANJESTAD: Siman pasa, Minister Endy Croes a atende reunion cu Comision di Restrucion Salarial di e Maestronan. Manera ta conoci, e comision aki a ser estableci na inicio di october 2023 a traves di un Ministeriële Beschikking (MB). E comision ta consisti di un representante di Ministerio di Enseñansa y Deporte y abogado Sr. Milko Baiz, directora di Departamento di Enseñansa Aruba

(DEA) Sra. Anne Marie Proveyer, director di Dienst Uitvoering Onderwijs subsidies (DUOS) Hervé Ruiz, presidente di SIMAR Sra. Angélique Quijada y register accountant Sr. Franklin de Kort. Durante e encuentro cu e comision aki a trata posibel modelonan y structura moderno di salario pa e docentenan y otro temanan importante riba e veld di enseñansa. E mandatario di Enseñansa

a indica cu el a ricibi e conseho final firma cu ta conta cu sosten di tur cinco (5) miembro di e comision esta, SIMAR, Departamento di Enseñansa, abogado, DUOS y register accountant. Minister Endy Croes a enfatisa cu manera a atende cu indexering asina e ta desea di atende cu cuestion aki. E mandatario di Enseñansa ta cauteloso y no a bay den detaye di e conseho cu el a ricibi. E conseho tin un proceso pa cana, e siguiente paso ta pa pidi conseho di Departamento Recurso Humano (DRH). Minister Endy Croes a indica cu mester busca espacio financiero y despues lo presenta esaki na Consejo di Minister. “Ojala cu dia trata e Presupuesto di Pais Aruba pa aña 2025 na luna



di december proximo, por tin algo concreto y tin un espacio adicional banda di 11.7% di indexering cu e docentenan a ricibi”, Minister Endy Croes a expresa. Banda di esaki, Departamento di Enseñansa tin un comision cu ta trahando riba e “richtlijnen” nobo pa enseñansa den su totalidad. Un ehempel ta e deseo ta pa baha e cantidad di mucha den klas di 28 pa muy probablemente 24 mucha den klas. Minister

Endy Croes a indica cu pa luna di juni of juli proximo e lo ricibi e conseho final di e “richtlijnen” nobo cu lo regla diferente aspecto den enseñansa na beneficio di e docentenan. Minister Endy Croes a subraya un bes mas cu e ta aprecia e gran trabou cu e docentenan ta haci den nos comunidad. Pa conclui, minister di Enseñansa a indica cu e ta trahando duro pa mehora diferente aspecto den enseñansa.

ARUBA BANK A ORGANISA UN “WELLNESS EVENT” PA SU EMPLEADONAN

Despues di e exitoso conferencia di FADA “Mind Matters”



Oranjestad, mei 15, 2024 — Aruba Bank ta comparti su “Wellness Event” organisa pa su empleadonan cu a tuma lugar recientemente, despues di e exitoso conferencia di “Mind Matters” organisa pa FADA. E

evento aki, organisa durante e luna di Salud Mental, tabata tin como meta pa reforsa e importancia di bienestar di empleadonan den e organisacion.

Marcelino Mauricio, un orador distingui conoci pa su charlanan motivacional, a forma parti di e evento como e invitado especial, compartiendo un evento di bida profundamente personal cu e audiencia. E evento a presencia un participacion notabel for di empleadonan di Aruba Bank,

cu discusionnan positivo, preguntanan alcaso, y interaccion durante henter e evento.


E departamento di “Human Resources” ta expresa su gratitud sincero na tur empleadonan cu a asisti na e evento, reconociendo nan dedicacion pa prioritisa salud mental y nan bienestar en general. E evento aki ta enfatisa ainda mas e compromiso



firme di Aruba Bank su pilar fundamental di “We Care”, reafirmando su sosten pa iniciativanan di bienestar di empleadonan.

Mientras oposicion y coalicion ta morto na soño

PLATAFORMA PAIS TA LANSA PROPOSICION PA UN LEY DI BENEFICIO ECONOMICO LABORAL (BEL)



“Si nos a acepta tur tipo di medida pa enriquece caha di gobierno , e ora ta momento, pa despues di 40 aña cu nos ta gaba cu nos turismo y nos economia ta bay asina bon, pa e empleado y e pueblo trahador cuminsa haya e beneficianan di e ganashi”. Esaki ta e forma cu Otmar Oduber di Plataforma Pais ta lansa e proposicion pa un ley di Beneficio Economico Laboral (BEL).

Si gobierno di Aruba por introduci tur tipo di

medidanan contra pueblo, medidanan cu ta saca placa for di e comerciante directo, hinke den caha do gobierno y ningun hende sa na kico e placa aki ta bay, e ora mester por percura pa e trahador tambe por benifecia di e “boom” economico cu nos Pais ta gozando di dje. Aña pasa pa menciona un ehempel, a saca 80 miyon Florin adicional for di turismo, a bay den caha di gobierno y ningun hende un sa unda e placa aki a bay, pero awe no tin placa

pa drecha RWZI. Mientras esaki ta pasa, ningun di e 21 miembronan di Parlamento ta cuestiona esaki, nan no ta puntra unda e placa aki a bay.

Plataforma Pais ta mira esaki y ta bisa cu a yega momento pa bin cu un Beneficio Economico Laboral (BEL), pa medio di cual e pueblo trahador ta bay haya un beneficio directo di e economia creciente y exitoso cu Pais Aruba tin.

E ley ta bisa cu un percentage di e ganashi di e empresa ta bay pa e trahador cu aña aden, aña afor ta yuda e empresa crea e ganashi aki. Por ehempel, si banconan por demostra cu nan a gana 40, 50 miyon den un aña, un percentage di e ganashi aki mester bay pa e trahadornan di e banco. E percentage aki no lo bira un peso adicional pa e comerciante, pues lo haci cu e percentage aki cu ta wordo duna na e trahador bira deducibel 100% di e winstbelasting di e doño



di trabou.

E suma aki no lo conta como un aumento di salario, sino como un beneficiona e trahador, por lo tanto no lo tin gastonan adicional pa e doño di trabou ni pa e trahador. Osea no lo tin gastonan adicional manera entre otro contribucion na AZV, SVB, loonbelasting etc etc. Meta di e ley ta pa e trahador tin mas placa den su cartera, pa e trahador haya un percentage di e ganashi cu el a yuda contribui na dje. Di e forma aki e trahador lo por tin un miho entrada y indirectamente goza di un aumento den su entrada. Gobierno di su banda lo

genera su fondo door di e mesun ley aki, pasobra e personanan ta bay cumpra bek den comunidad. Esaki ta significa cu mas producto lo drenta Aruba, lo bay tin mas circulacion den nos economia, mas placa lo draai, pero e biaha aki e lo draai bou di e pueblo trahador.

E propuesta aki ta bin banda di loke ya caba e plataforma a bin ta mencionando di reduci gastonan di gobierno.

E plataforma lo ta mandando un carta pa gobierno y parlamento caminda kier habri un discusion riba e posibilidad di e ley di BEL.

ACCIDENTE CU HENDE HERIDA NA E CRUSADA DI SHABA PA BAY BUBALI



Dialuna atardi a drenta informe di un accidente cu hende herida na e crusada di Shaba, mesora a dirigi tanto polis como ambulans na e sitio. N yegada di e patrulla a bin compronde cu aki ta trata di un accidente unda cu e dama chauffeur di e Mitsubishi Outlander cu



tabata bini di pabao no a duna preferencia na e Mitsubishi Attrage cu tabata bini di nort.

E impacto tabata fuerte te

cu e airbagnan a deploy dal e 2 damanan den e Attrage na yegada di e ambulans nan a atende e victimanan y a transporta nan pa hospital.

Otmar Oduber

PARLAMENTO NO TA HACI SU TRABOU COMO REPRESENTANTE DI PUEBLO



Un di e criticanan grandi cu Otmar Oduber di Plataforma Pais tin, ta cu no ta sinti cu Parlamento ta haci e trabou di representante di pueblo. Recientemente Parlamento no tabatin e cohon pa tuma un decision riba e ley di matrimonio di mesun sexo y a opta pa laga esaki den man di huesnan, cu lo mester bin sinta awo riba e stul di parlamentarionan y

gubernantenan. Pero no ta solamente esey, por mira e mesun situacion pa loke ta problemanan manera por ehempel esun di RWZI y 31 edificio bandona di gobierno, cual por cierto Otmar a laga un ley completamente cla atras 5 aña pasa. “Bo no ta mira ni oposicion ni esnan cu ta sostene gobierno ta carga un responsabilidad pa comunidad di Aruba”,

Oduber ta opina. Ningun miembro di Parlamento ta bin cu proposicion, ta critica so por scucha, un ta critica otro. Mientras tanto, si mira e presupuesto cu tin pa Parlamento, e ta puntra su mes si tin mester di 21 parlamentario pa un comunidad asina chikito manera esun di nos isla. “E mesun trabou no por wordo haci 15 miembro, por ehempel? Ban hiba e discusionnan necesario awo, prome cu eleccion otro aña”.

Otmar ta puntra su mes, diconeparlamentarionan, cu tin e trabou di controla gobierno no ta haci esaki.

Esaki posiblemente pasobra hopi biaha esnan cu ta bay den Parlamento ta pasobra nan no por a bira minister y no tin mag di tin un voz, y e tiki biahnan cu tabatin un

voz, tabatin consecuencia pa nan, manera pasado a demostra.

Continuando, Oduber ta bisa cu Aruba por wordo maneha y guia cu 15 parlamentario y 5 minister. “Si bo tin 5 minister cu ta traha manera Otmar Oduber a traha, keremi nos ta produci 15 biaha mas di loke nos ta produciendo na e momentonan aki y cu nos a produci den otro momentonan. Bo mester tin boluntad y amor pa e comunidad aki”.

Lamentablemente te dia di awe e Plataforma no a haya respuesta di gobierno riba e carta manda varios luna atras pa bin cu un Dialogo Nacional riba reduccion substancial di gastonan cu lo mester atende diferente situacionnan y proposicionnan presenta na beneficio di Aruba y

nos comunidad, esaki prome cu eleccion.

E topico principal di e Dialogo Nacional tabata reduccion di gastonan di gobierno cu 12% di un presupuesto di un poco mas di 1 biyon Florin. Es decir, reduccion di gastonan di gobierno di mas cu 100 miyon Florin, cual segun Otmar Oduber ta posible si tin e cohon y determinacion di aleha politica for di e decisionnan cu no mester ta den e ramo politico.

Tampoco por scucha ningundie 21 miembronan di Parlamento haci algun pregunta riba e topiconan ariba menciona, pero aki un aña lo tin eleccion, unda nan tur, of por lo menos mayoria di nan, lo ta buscando voto di pueblo sin cu berdaderamente nan a muestra nan responsabilidad pa cu nos comunidad.

DAMA BUSKA A SER ENCONTRA DEN SANTANA CENTRAL NA SABANA BASORA



Diamars mainta a drenta informe di un dama perdi y no sa unda e ta, mesora a activa diferente patruya y unidadnan pa yuda den e buskeda aki. Despues di un rato a haya

sa cu e dama lo ta den e parke di Santana Central na Sabana Basora, mesora a dirigi patruyanan y unidadnan eyan y afortunadamente a logra localis'e



Parlamentario Marco Berlis (MEP):

MIGUEL MANSUR SU PACTO SCONDI CU AVP A KEDA EXPONI

Despues di e reunion publico cu a trata e ley di Matrimonio Mesun Sexo riba diaranson 8 di Mei 2024, diferente Parlamentarionan a expresa nan mes den prensa con e reunion publico a bay. E iniciador di e ley, sr. Miguel Mansur, a sali bon rabia y decepciona pa motibo di e resultado di e votacion. Por bisa cu tur seguridad cu Mansur no a spera cu e ley lo a bay conoce tanto resistencia.

Miguel Mansur ta divulga su pacto scondi cu AVP Despues di wak Arthur Dowers vota contra e ley y e reunion a caba, Mansur a sali pafo den un rueda di prensa pa elimina sr.Dowers di su lista di amigonan y posibel futuro colega minister. Mansur no ta kere den democracia y tampoco den e libertad

di e voto sagrado di cada parlamentario, cual ta hancra den nos constitucion. Di un forma dictatorial y arogante Mansur a expresa su mes contra Arthur Dowers y a declara cu si e mester drenta den gobierno den e siguiente eleccion hunto cu AVP, e no kier wak ni ta aproba pa Dowers bira minister den nan coalicion. El a bisa esaki cu un tono menasante y di un forma concreto. Di e forma ey tur hende por a saca som cu AVP y Accion 21 tin un pacto di matrimonio scondi cu otro di basta tempo caba. Mester bisa cu sigur Marisol di MAS tambe ta den touw, mirando cu despues di eleccion 2021 Mansur y Marisol a sinta hunto pa forma un posibel gobierno.

Mansur a nenga di duna un declaracion contra e

corupcion di AVP Loke a asombra pueblo ta cu Mansur no a critica Mike Eman pa su vota contra e ley. E ta splica tambe pakico Miguel Mansur, cu ta pretende di ta integro y trahando pa pueblo, hamas a critica e dos casonan di corupcion bergonzoso den AVP. Miguel Mansur ta brasando y aprobando e politica di AVP cu ta celebra corupcion, cual ya tin un minister sintando den KIA y otro condena caba den corte di prome instancia. Mansur kier mantene su lasonan cu Mike Eman fuerte pa tene e escenario habri pa forma hunto un posibel gobernacion. Miguel Mansur, awo e satellite oficial di AVP a divulga su motibo real pakico e kier inventa storianan riba gobierno actual: “E ta parti di e coalicion di corupcion



den oposicion.”

Hipocresia den dia cla di Miguel Mansur Mansurcuspuestamente ta gritando contra tur partido tradicional, ta duna un motibo mas pakico hamas por confia y kere den dje! E insinceridad di Mansur a yega un circulo completo. Su maniobranan, mentiranan y actitud arogante a haci e perdetur credibilidad! E realidad ta cu AVP y Accion 21 a huramenta amor y fieldad te ora morto separa nan! Aruba lo por sobrevivir un aliansa asina den gobierno?


Si pueblo desea mas informacion di e articulo aki, contact mi na tel: 528-4639 of email mi na: marco.berlis@parlamento.aw / Bo parlamentario y sirbidor di pueblo na bo ordo semper!

POLIS A BAY TANKI LEENDERT PA UN DESTRUCCION



Diamars mainta a drenta informe di un caso di destruccion, mesora a dirigi un patruya na e sitio. Na yegada di e patruya a bin compronde

cu desconocidonan a comete destruccion door di kibra e porta di cura. Polis a tuma e keho y a keda di pasa esaki pa recherche.



OLIVE TREE'S
PRE-PAID
FUNERAL PLAN

PAY AS YOU CAN

Piedraplat ☎ 582 0000
Sanicolaas ☎ 584 8888 | 5820000
Habri dialuna pa diabierna | 8:00am-4:00pm

Olive Tree Social Department ☎ (+297) 743 7411
www.olivetreefuneralhome.com



Horoscop pa dia 16 di mei 2024

Feliz y productivo diahuebs. Awe Solo di Pueblo ta presenta bo horoscop pa dia 16 di mei, 2024.

Aries
Bo hendenan tin mester di bo. Nan lo pidi bo placa y bo no lo tin mas remedio cu presta nan. Si nan permiti bo, pidi un permiso sin salario. Excelente momento pa pone bo curpa up to date. Number di suerte: 76, 63, 6.

Tauro
Lo bo conoce un hende cu tin hopi pa siña bo. Lo bay tin gasto di loke bo ta spera. Resolve e conflicto kens ey cu un compañero di trabao. Lo bo tin e stoma sensibel, cuidao

cu conoflok. Number di suerte: 83, 54, 3.

Geminis
No lo surgi nada serio encunto sentimento. No fia di otro y maneha bo inversionnan. Esforsa y siña, no anda den bo trabao normal. Problema intestinal di poco importancia. Number di suerte: 28, 75, 2.

Cancer
Bo ansha di independencia ta incompatibel cu amor. Gasto imprescindibel y reserva pa mas despues. Bo opinionnan lo ta bon ricibi na bo trabao. Practica algun deporte lo mantene bo relaha. Number di suerte: 85, 87, 2.

Leo
No sinti nostalgia di e relacionnan anterior. Bo

situacion economico ta prospero. E dia laboral lo bin ta marca pa enseñansa. Cana un ora tur dia, e lo alivia bo calambernan. Number di suerte: 14, 52, 3.

Virgo
Probecha e sosten di e astronnan pa conoce hende. Posibilidad pa ricibi un herencia familiar. Ningun problema na trabao, pero insisti cu bo proyectonan. Cuida bo lomba, vigila bo postura ora di sinta. Number di suerte: 29, 26, 8.

Libra
Purba un acercamento; bo pareha ta deseando esey. Lubida di inverti. Bo capacidad di organisacion lo ta hopi util den e trabao. Desordo hormonal lo ta causa pa stress. Number di suerte: 57, 87, 2.

Scorpio
Bo pareha ta hopi gestressed y no lo tin tempo pa nada. Sin ripara lo bo bay hinca bo mes den un inversion importante. Sea practico, di lo contrario bo lo por cu e trabao. Bo ta den top di bo energia, bo por kim'e bailando; disfruta di dje. Number di suerte: 37, 75,

8.


47, 42, 4.

Sagitario
Riba bo pareha, percura pa kibra cu e desconfiansa. Cuida e tendencia compulsivo ey di gasta. Bo no mester drenta den conflicto cu bo superioriornan. Percura pa no trasnocha demasiado. Number di suerte: 77, 15, 3.

Capricornio
Tabon pata independiente, pero laga nan stima bo. Mehoracion den bo cuentanan di banco. Nan lo ofrece bo un posicion di mayor responsabilidad. Solo y e contacto cu naturalesa lo beneficia bo salud. Number di suerte:

Acuario
Stabilidad a yega cu e persona stima. E gastonan extra aki ta destabilisa bo, pronto e lo pasa. Midi bon bo palabranan den entrevista di trabao. Aleha di preocupacion y haci deporte. Number di suerte: 63, 21, 4.

Piscis
Bo atractivo lo derota cualkier rival den amor. Compraba bo posibilidadnan prome cu acepta pago. Bo por logra tur loke bo propone den bo trabao. Iritacion di garganta pa exceso di bebida friu. Number di suerte: 46, 71, 9.



8								
		3	6					
	7			9		2		
	5				7			
				4	5	7		
			1				3	
		1					6	8
		8	5				1	
9						4		

		8		3		5	4	
3			4		7	9		
4	1				8			2
	4	3	5		2		6	
5								8
	6		3		9	4	1	
1			8				2	7
		5	6		3			4
	2	9		7		8		

Paardenbaaistraat 10, Oranjestad, Aruba Tel.: (297) 525 - 7555
www.lottoaruba.com
Resultado : Sorteo 14 Mei 2024 Anochi

CATOLCHI Sorteo # 8241 8331 2772 9944 MULTI-X X3 BIG 4 Sorteo # 7285 6830 MULTI-X X2 10FF Sorteo # 1990 5972 ZODIACS Sorteo # 6044 1577 Aries LUCKY 3 Sorteo # 974 588 MULTI-X FP	LOTTO 5 Sorteo # 0x Jackpot 0x Match 4+ 0x Match 4 0x Afl. 12,00 Joker Letter Proximo Jackpot 300.000,- LOTTO DI DIA Sorteo # 6471 1x Jackpot 6x Match 4 146x Afl. 8,00 01-07-19-22-25 Proximo Jackpot 50.000,- MEGA Sorteo # 1662 0x Jackpot 2x match 4 5x Afl. 500,00 80x Afl. 50,00 83x Afl. 15,00 Mega Ball 06 Proximo Jackpot 500.000,- Afl. 680.000,- KORSOU Sorteo # QR code
---	---



Prome Minister Evelyn Wever-Croes:

DIRECTOR EHECUTIVO DI IMF A DUNA PRESENTACION NA BANCO CENTRAL DI ARUBA



ORANJESTAD – Diamars atardi, Director Ehecutivo di IMF (Fondo Monetario Internacional) a duna un presentacion interesante na Banco Central di Aruba.

Durante e presentacion, señor Hilbers a indica cu e evaluacionnan cu IMF ta haci pa Aruba ta di gran importancia y e resultadonan ta sumamente positivo.


Tambe el a subraya riba e areanan unda Aruba por pone mas atencion. Un ta e diversificacion di e economia di Aruba y e otro ta e riesgonan di e cambio climatico. Señor



Hilbers a remarca cu e tema financiero di un pais no ta solamente e placa pero e por ta hopi mas cu esey. Senor Hilbers, riba e mesun dia aki den oranan di mainta, a reuni cu Ministerraad unda el a duna e vision di IMF pa cu e desaroyo di Aruba. Durante e encuentro cu e mandatarionan señor Hilbers a duna palabranan

di elogio na Gabinete Wever-Croes y a indica cu Aruba tin un desaroyo positivo y impresionante. “Tawata un presentacion hopi interesante. Mi ta gradici y felicita Banco Central di Aruba pa organisa esaki. Pa Gobierno, semper ta bon pa haya bon noticia riba e resultadonan di e maneho cu nos ta hibando”, Prome Minister a expresa.

UNIDADNAN K9 A BAY TE SANTA LUCIA PA DETENE SOSPECHOSO BUSCA PA HUSTICIA



Diamars atardi 2 unidadnan di K9 a bay Santa Lucia pa asina logra wak si ta topa un sospechoso cu ta ser busca pa husticia. Unabes cu a

capture a pone na vloor y asina a boei e y a pidi e vehiculo di transporte pa asina hib’e warda di Shaba pa mas investigacion y interrogacion.



RECHTER JOLIEN SCHUKKING BEZOEKT DE BENEDENWINDSE EILANDEN



nog het volgende mee:”(...) Ik hoop dat ik de connectie heb kunnen versterken en het belang van beschermen van de menselijke waardigheid over heb kunnen brengen. Vol indrukken en ideeën ga ik straks terug naar Europa, met nog weer een stukje Dutch Caribbean erbij in mijn hart. Masha, masha danki. (...)”.



Afgelopen week heeft mevrouw mr. Jolien Schukking, rechter namens het Koninkrijk bij het Europese Hof voor rechten van de mens (EHRM) haar werkbezoek aan de Caribische (ei)landen van het Koninkrijk voortgezet. Deze keer werd een bezoek gebracht aan alle drie Benedenwindse eilanden. Op zowel Aruba als Curaçao heeft zij gesproken met de Gouverneur en de Minister President van de respectievelijke landen. In Aruba is ook een bezoek gebracht aan de Univeriteit. Op Curaçao heeft zij ook gesproken met de Ombudsman en is een bezoek gebracht aan de SDKK gevangenis. Op Bonaire

heeft zij gesproken met de waarnemend gezaghebber, de waarnemend Rijksvertegenwoordiger en is ook een bezoek gebracht aan de JICN gevangenis. Op alle drie eilanden was er ook gelegenheid om van gedachten te wisselen met de rechters, de officieren van justitie en vertegenwoordigers van de respectievelijke Orde van Advocaten van de eilanden over de werkwijze en procedures bij het EHRM. mr. Schukking werd gedurende haar bezoeken steeds begeleid door collega's van het Gemeenschappelijk Hof van Justitie. Bij afsluiting van haar bezoek aan het Caribisch deel van het Koninkrijk deelde mr. Schukking

1 JUNI 2024

FESTIVAL DI CANTO DERA GAY

BAN APOYA NOS MUCHANAN Y HUNTO NOS TA CANTA "DERE GAY DERE GAY"

CATEGORIA
 5 - 7 AÑA
 7 - 9 AÑA
 10 - 12 AÑA

PREMIO
 GANADOR ABSOLUTO FL.500,=
 SEGUNDO LUGAR FL.250,=
 TERCER LUGAR FL.150,=

ORARIO: 6:30 PM - 11:30 PM
LUGAR: CENTRO DI BARIO BRAZIL
ENTRADA: FL.10,= PA ADULTO

ENTRADA PA TUR MUCHA TA GRATIS!

OBJECTIVE
REALTY ARUBA

DEPARTAMENTO
DI CULTURA ARUBA

BO YU KIER PARTICIPA?
 TEL: 564 6099 POR INSCRIBI TAMBE NA EMAIL: FUPROCUNO2@GMAIL.COM



BO TA SUFRI DI MIGRAINE? ALGUN CAUSA Y CON PA PREVENI ESAKI



Migraine ta un tipo di dolor di cabes recurente y debilitante cu ta afecta miyones di hende rond mundo. E ta caracteriza pa dolor pulsante, generalmente na un banda di cabes, pero por ta na tur dos banda. Ademas di dolor di cabes, migraine por ta acompaña pa otro sintomanan, manera nausea, sacamento, sensibilidad na luz, sensibilidad na zonido i, den algun caso, aura, cu ta sintomanan neurologico cu ta bini prome cu dolor di cabes.

E causa exacto di migraine no ta completamente comprendibel, pero ta kere cu nan ta involvi un combinacion di factornan genetico y ambiental. Tin cierto desencadenante cu ta conoci cu por desencadena atake di migraine den algun persona, manera

stress, cambionan den e patronchinan di soño, dieta, cambionan hormonal den hende muhe, estimulonnan sincuria manera luznan briyante of zonido fuerte, entre otro.

Tratamento di migraine por encera medidanan pa alivia dolor y preveni atake, y tambe cambionan den estilo di bida y identificacion y evitacion di e detonantenan conoci. Remedi pa migraine por inclui analgesico di benta liber, ibuprofen of paracetamol, medidanan specifico pa migraine manera triptofano den algun caso, medidanan preventivo cu ta wordo tuma regularmente pa reduci e frecuencia y gravedad di e atake.

Migraine por ta un malesa debilitante cu ta afecta significativamente e calidad di bida di

esunnan cu ta sufri di dje, pero cu un tratamiento adecua y identificacion di strategianan di maneho efectivo, hopi hende por haya alivio y hiba un bida mas normal. Si bo ta experiencia migraine frecuente of grave, ta importante pa papia cu un dokter pa haya un diagnostico adecua y un plan di tratamiento personalisa

Aki ta sigui algun aspecto adicional pa considera:

Tiponan di migraine: tin diferentetipodimigraine, siendo e mas comun e migraine sin aura. Sin embargo, tin hende ta experiencia migraine cu aura, caracteriza pa sintomanan visual, sincuria of di papia cu ta tuma luga prome cu dolor di cabes. Otro tipo menos comun ta inclui migraine abdominal, migraine hemiplegico

y migraine vestibular, entre otro.

Factornan di desencadenante Mientras cu e desencadenante ta varia di un persona pa otro, algun factor comun ta inclui stress, cambionan den e patronan di soño, cierto cuminda y bebida (como alcohol, chuculati, keshi bieu of aditivo alimentario), cambionan hormonal den hende muhe, factornan ambiental manera clima y estimulonnan sincuria intenso manera luz briyante of zonido fuerte.

Impacto riba bida diario: migraine por tin un impacto significativo riba bida diario di esunnan cu ta sufri di dje. Atakenan di migraine por tin efecto di incapacidad y ta haci actividadnan normal manera traha, studia of

socialisa dificil. Ademas, e necesidad pa sosiega durante un atake por causa interrupcion den rutina di tur dia i afecta relacionnan personal y laboral.

Tratamento preventivo: Ademas di e medidanan pa alivia dolor durante atake di migraine, algun persona por beneficia di medidanan preventivo cu ta wordo tuma regularmente pa reduci e frecuencia i gravedad di e atake. E por inclui entre otro medidanan manera beta-blocker, antidepressivo nantitriciclico, antiepiléptico i antagonista di calcium. Tratamento preventivo ta wordo recomenda pa personanan cu ta experiencia atake di migraine frecuente of grave cu ta afecta nan calidad di bida significativamente.

“No jorami, pero cordami manera con semper mi tabata. No biba rabia, bida ta cortico, al contrario, celebra bida sanamente mas cu bo por y tur dia” –
(via FB)

Canta contento pa Señor, henter mundo; sirbi Señor cu alegría, acerc'E cu cantica di fiesta. Reconoce cu Señor ta Dios, t'E a crea nos y nos ta di djeE; nos ta su pueblo, e carnenan cu E ta cuida.
Salmo: 100

Cu inmenso tristeza na nos curason, pero conforme cu boluntad di Dios, y pa tur cos cu e la haci y significa pa nos, nos ta participa fayecimento di:



Olivia Virginia Jacinta Figaroa
*13 – 09 - 1957 - †15 – 05 – 2024

Fecha di condolencia y despedida lo wordo anuncia despues.